



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKI NAČELNIK**

Broj:02-49-1-1716-13/16
Datum: 20.07.2016.godine

Na osnovu člana 70. Zakona o javnim nabavkama Bosne i Hercegovine ("Službeni glasnik BiH", broj: 39/14), i Zapisnika o pregledu i ocjeni ponuda od 20.07.2016.godine, sačinjenog od strane Komisije za nabavke imenovane rješenjem Općinskog načelnika, Općinski načelnik, donosi:

O D L U K U

o izboru najpovoljnijeg ponuđača

I

Najpovoljnija ponuda za radove u predmetu nabavke "Izgradnja vodovoda Tepe-Hrvatinići, Izgradnja vodovoda Raduša i Izgradnja kanalizacije Šije", sa podjelom na lotove je za:

Lot-1 Izgradnja vodovoda Tepe-Hrvatinići (primjenom preferencijalnog tretmana domaćeg) po cijeni od 60.657,75KM KM (slovima:šesdesethiljadašeststotinašesdesetsedam i 75/100 konvertibilnih maraka) bez PDV-a odnosno sa PDV-om 70.969,57KM (slovima:sedamdesethiljadadevetstotinašesdesetdevet i 57/100 konvertibilnih maraka) je ponuda ponuđača „GEO-PUT" d.o.o. Maglaj;

Lot-2 Izgradnja vodovoda Raduša (primjenom preferencijalnog tretmana domaćeg) po cijeni od 93.867,60KM (slovima:devedesetrihiljadeosamstotinašesdesetsedam i 60/100 konvertibilnih maraka) bez PDV-a odnosno sa PDV-om 109.825,09KM (slovima:stotinudevehiljadaosamstotinadvadesetpet i 09/100 konvertibilnih maraka) je ponuda ponuđača "ŠPIC BETON" d.o.o. Zenica;

Lot-3 Izgradnja kanalizacije Šije (primjenom preferencijalnog tretmana domaćeg), po cijeni od 21.365,60KM (slovima:dvadesetijednahiljadatristotinesesdesetpet i 60/100 konvertibilnih maraka) bez PDV-a odnosno sa PDV-om 24.997,75KM (slovima:dvadesetčetirihiljadadevetstotinadevedesetsedam i 75/100 konvertibilnih maraka) je ponuda ponuđača "AB-TRANS" d.o.o. Tešanj.

II

Ponude su dostavljene u otvorenom postupku javne nabavke koji je objavljen na Portalu javnih nabavki dana 10.06.2016.godine pod brojem:375-1-3-110-3-37/16 , obavještenje o nabavci objavljeno u Sl.-glasniku BiH broj:45/16 dana 17.06.2016.godine, kriterij za dodjelu ugovora je najniža cijena.

III

Obavezuju se izabrani ponuđači da u roku od 5 dana od dana prijema ove Odluke dostave ugovornom organu potrebnu dokumentaciju kojom dokazuju svoju ličnu, ekonomsku i finansijsku sposobnost na način i u formi koja je propisana tenderskom dokumentacijom.

IV

Ponuda ponuđača "ŠF INŽENJERING" d.o.o. Tuzla za Lot-2 i Lot-3 odbacuju se kao nepotpuna iz razloga formalne neispravnosti.

V

Za realizaciju Odluke zadužuje se Služba za društvene djelatnosti i investicije općine Tešanj.

VI

Ova Odluka stupa na snagu danom donošenja i dostavlja se svim ponuđačima koji su

učestvovali u postupku javne nabavke, shodno članu 71. stav 2. Zakona o javnim nabavkama.

VII

Ova odluka objavit će se na web-stranici Općine Tešanj www.opcina-tesanj.ba, shodno članu 70. stav 6. Zakona o javnim nabavkama.

O b r a z l o ž e n j e

Aktom broj:02-49-1-1716-2/16 od 07.06.2016.godine Općina Tešanj je donijela Odluku o provedbi postupka javne nabavke za radove "Izgradnja vodovoda Tepe-Hrvatinići, Izgradnja vodovoda Raduša i Izgradnja kanalizacije Šije", sa podjelom na lotove. Odabran je otvoreni postupak uz podjelu na lotove, koji je objavljen na Portalu javnih nabavki dana 10.06.2016.godine pod brojem:375-1-3-110-3-37/16, obavještenje o nabavci objavljeno u Sl.glasniku BiH broj:45/16 dana 17.06.2016.godine, kriterij za dodjelu ugovora je najniža cijena.

U ostavljenom roku za dostavu ponuda pristiglo je 5 (pet) ponuda kako slijedi: ponuda "AB - TRANS" d.o.o. Tešanj (za Lot-3), ponuda "NEDJING" d.o.o. Tešanj (za Lot-1 i 2), ponuda "ŠPIC BETON" d.o.o. Zenica (za Lot-1,2 i 3), ponuda "ŠF INŽINJERING" d.o.o. Tuzla (za Lot-1,2 i 3) i ponuda "GEO-PUT" d.o.o. Maglaj (za Lot-1,2 i 3).

Komisija za javne nabavke imenovana rješenjem Općinskog Načelnika broj:02-49-1-1716-4/16 od 04.07.2016.godine izvršila je dana 13.07.2016.godine javno otvaranje ponuda o čemu je sačinila Zapisnik sa otvaranja ponuda i isti prosljedila svim ponuđačima.

Komisija je na zatvorenoj sjednici izvršila provjeru formalne ispravnosti sadržaja pristiglih ponuda, te ustanovila da su četiri ponude formalno ispravne (sadržajno kompletne i ispravno sadržaja) i da se kao takve mogu ocjenjivati u skladu sa zahtjevom za dostavu ponuda.

Komisija je izvršila rangiranje prihvatljivih ponuda prema kriteriju za izbor ponuda (najniža cijena ekonomski prihvatljive ponude), te je primjenom preferencijalnog tretmana domaćeg sačinila konačnu listu ponuda, rangiranu po cijeni ponuda kako slijedi:

Lot-1

1. "GEO-PUT" d.o.o. Maglaj
2. "ŠF INŽENJERING" d.o.o. Tuzla
3. "ŠPIC BETON" d.o.o. Zenica
4. "NEDJING" d.o.o. Tešanj

Lot-2

1. "ŠPIC BETON" d.o.o. Zenica
2. "GEO-PUT" d.o.o. Maglaj
- 3."NEDJING" d.o.o. Tešanj

Lot-3

1. "AB - TRANS" d.o.o. Tešanj
2. "ŠPIC BETON" d.o.o. Zenica
3. "GEO-PUT" d.o.o. Maglaj

Komisija je kod ocjene ponuda takođe utvredila da ponuda "ŠF INŽINJERING" d.o.o. Tuzla (za Lot-2 i 3) oblikom i sadržajem ne odgovara traženim uslovima iz tenderske dokumentacije te se ista odbacuje zbog neispunjavanja formalnih razloga kako slijedi:

- Ponuda "ŠF INŽINJERING" d.o.o. Tuzla za Lot-2 i 3 nije prihvatljiva iz razloga što dostavljene ponude nisu bile zapakovane kako je to predviđeno tačkom 16. tenderske dokumentacije. Naime tačkom 15. tenderske dokumentacije propisano je da "Dobavljač će dostaviti jednu ponudu u originalu i jednu kopiju na kojima će čitko napisati: "ORIGINAL PONUDA" i "KOPIJA PONUDE". Ponuda i njena kopija sa pečatom ili potpisom trebaju biti zapečaćene u jednoj neprovidnoj koverti", kako je i uradio ali nije finansijski dio ponude po lotovima dostavio u posebnim kovertama. Tačkom 16. tenderske dokumentacije je predviđeno da se "Finansijski dio ponuda po lotovima sa dokumentacijom na koje se prijavljuju, ponuđači dostavljaju u posebnim kovertama na kojima mora biti naznačeno na koji lot se ponuda odnosi". Ponuđač je finansijski dio ponude dostavio za Lot-1, Lot-2 i Lot-3 zajedno u

jednom regulatoru, dakle formalno pravno Komisija za ocjenu ponuda je prihvatila ispravnom ponudu za Lot-1, a ponude za Lot-2 i Lot-3 smatra formalno neispravnom.

Ponuda "ŠF INŽINJERING" d.o.o. Tuzla za Lot-2 i 3 je u skladu sa članom 68. Zakona o javnim nabavkama Bosne i Hercegovine ("Službeni glasnik BiH", broj: 39/14) odbačena, kako je navedeno u tački 4. dispozitiva ove Odluke.

Shodno navedenom, Komisija za javnu nabavku je prema utvrđenom kriteriju "najniža cijena ekonomski prihvatljive ponude, te je primjenom preferencijalnog tretmana domaćeg preporučila Općinskom Načelniku, općine Tešanj (Zapisnik o pregledu i ocjeni ponuda broj:08-49-1-1716-12/16 od 20.07.2016.godine), da se u predmetu javne nabavke "Izgradnja vodovoda Tepe-Hrvatinoći, Izgradnja vodovoda Raduša i Izgradnja kanalizacije Šije", sa podjelom na lotove, donese Odluka o izboru najpovoljnijeg ponuđača i da se kao najbolje ocijenjene prihvatljive ponude za radove u predmetu nabavke, određuje ponuda ponuđača "GEO-PUT" d.o.o. Maglaj (za Lot 1), ponuda ponuđača "ŠPIC BETON" d.o.o. Zenica (za Lot-2) te ponuda ponuđača "AB - TRANS" d.o.o. Tešanj (za Lot- 3), te da se sa istim zaključne ugovori u skladu sa ponudama navedenih ponuđača za radove predmetne nabavke.

Pouka o pravnom lijeku: Žalba na Odluku o izboru najpovoljnijeg ponuđača izjavljuje se URŽ-u putem ugovornog organa u roku od 10 dana od dana prijema Odluke, na način propisan Zakonom o javnim nabavkama Bosne i Hercegovine (Sl.glasnik BiH broj:39/14).

DOSTAVLJENO:

1. Ponuđačima x 5,
2. Služba za društvene djelatnosti i investicije,
3. Web stranica općine, elektronski,
4. Predmet.

Huskić

OPĆINSKI NAČELNIK
mr.sc. Suad Huskić profesor